

Inatsisissatut siunnersuummut nassuiaatit

Nalinginnaasumik nassuiaatit1. Aallaqqaasiut

Pisuussutini akitsuuseeriaasissatut siunnersuummi upernaakkut 2017-imi saqqummiunneqartumi suliffeqarfiit inuillu unerartitsisussaataitaasut akitsuutinillu akiliisussaataitaasut akitsuusiinermi tunngavimmik nalunaaruteqarnermi akiligassiissutit il.il. nalunaaruteqartumut tunngaviusut assilinerannik ilanngussisussaataappaat. Kisiannili akitsuuseeriaatsimik nutaamik 2018-imi atuutilersitsinerup kingorna inatsimmik ukiakkut 2018-imi arlalinnik naleqqusnaanermut atatillugu aalajangersakkap ulloq 1. januar 2019-imit atuutilersumik inatsimmit atorunnaarsinneqarnissaa aalajangerneqarpoq.

Allannguinnermut tunngaviusoq tassaavoq taamanikkut assilinerisa taakku Akileraartarnermut Aqutsisoqarfimmut ingerlaavartumik nassiunneqartarnerat pisariaqartinneqanngimmat, tassa Akileraartarnermut Aqutsisoqarfik atortunik sulianut attuumassuteqartunik pissarsisinnaatitaassammat, tassunga ilanngullugit ilaatigut akileraarutiniq aqutsineq pillugu Inatsisartut inatsisaanni § 59 naapertorlugu aqutsisoqarfik nalunaarutit tunngaviannik misissuilersarpat assilineriniq pineqartunik.

Allannguinerulli kingorna akiligassiissutit Akileraartarnermut Aqutsisoqarfiup ingerlaavartumik nakkutilliineraniq akillu ineriartorneraniq ingerlaavartumik misissueqqissaarnermik suliaqarneranut, aalisagaqatigiinnut assigiinngitsunut niuernermi ileqqunik il.il. sulineraniq ikorfartuutaasinnaanerat paasinarsivoq. Taamaammallu suliffeqarfiit akitsuutiniq akiliisussaataitaasut akiligassissutit akitsuusiinermut tunngavigineqartut assilineriniq uppernarsaatinik ilanngussisarnissaannik malittarisassat atulerseqqinneqarnissaat naapertuuttutut isigineqarpoq.

2. Siunnersuummi immikkoortut pingaarnerit

Siunnersuutikkut siunnersuutip taaguutaa allanngortinneqarpoq. Inatsit taamaallaat Kalaallit Nunaanni aalisarnermut tunngannginnera, aammali Kalaallit Nuaata avataani, assersuutigalugu Svalbardip eqqaanut tunnganera, allannguinnermut tunuliaqutaavoq.

Siunnersuutikkut suliffeqarfiit inuillu akitsuutiniq akiliisussaataitaasut akitsuummik nalunaaruteqarnermut atatillugu akiligassiissutit il.il. assilineri atorlugit akitsuutit naatsorsorneqarnerannut uppernarsaatip ilanngunneqarnissaa pillugu piumasaaqatip

atuutilerseqqinnissaa siunnersuutigineqarpoq. Uppernarsaasiinermilli piumasaqaat aalisakkanut Kalaallit Nunaannit anninneqartunik nalunaaruteqarnissat kisimik pineqarput.

Uppernarsaatit katersorneqartut naatsorsueqqissaarnermut misissueqqissaarnermullu siunertaqartumik ingerlatsinermi oqartussanut allanut tunniunneqarsinnaanerat ilanngullugu siunnersuutigineqarpoq. Maanna maleruagassat naapertorlugit paasissutissat Akileraartarnermut Aqutsisoqarfiup katersugai, tunniussineq pisortat ingerlatsineranni sulianik ingerlatsineq pillugu Inatsisartut inatsisaanni § 32, imm. 1 naapertorlugu pinera eqqaassanngikkaanni, oqartussanut allanut tunniunneqarsinnaanngillat. Aalajangersagaq taanna naapertorlugu oqartussat, ingerlatsinermi oqartussap allap piumasaqarneratigut, ingerlatsinermi oqartussaasup paasissutissanik ingerlatsitseqqinnermut pisinnaatitaanera naapertorlugu, kiisalu paasissutissaq oqartussap allap ingerlatsineranut pisortatulluunniit aalajangigassaanut pingaaruteqarpat, paasissutissamik ingerlatitseqqissinnaapput.

Malittarisassat taakku aalisarnermut inuussutissarsiortermit nalitusiartortarnernik misissueqqissaarnissap ingerlanneqarnissaanut ajornakusoortitsisut paasineqarpoq, inuussutissarsiortunimmi paasissutissanik pisariaqartunik pissarsiniarneq ajornakusoornartortaqaamat. Naatsorsueqqissaarnermik misissueqqissaarnermillu siunertaqartumik atugassanik paasissutissanik katersineq, tassani assersuutigalugu nalitusiartortarnernik misissueqqissaarnermik suliaqarnermi atugassanik katersinerit ilanngullugit, pisuussutinik iluaquteqarnermi akitsuusersueriaatsip siunertaq naapertorlugu atuunneranik kiisalu akileraartarnikkut suliffeqarfimmik ataatsimik arlalinnilluunniit nuussinermi akiliisitsisarnermik (transfer pricing) misissuinissamik aallartitsinissamik tunngavissaqartoqarneranik qularnaarinissamik siunertaqarput.

Kalaallit Nunaanni Naatsorsueqqissaartarfik pillugu maleruagassat maanna atuuttut naapertorlugit, paasissutissat Kalaallit Nunaanni Naatsorsueqqissaartarfiup katersugai ilisimatusarnerit inatsisinilluunniit piareersaasiorluni suliaqarnerit ingerlanneqarnissaanut pisariaqarjata, paasissutissat ilisimatusarnermut inatsisinillu piareersaasiortermit suliaqarnermut atugassatut ingerlateqqinneqarsinnaapput.

Kalaallit Nunaanni suliffeqarfiit ikittuinnaanerat pissutigalugu, amerlasuutigullu suliffeqarfinni ataasiakkaani ikittut ingerlatsillutilluunniit pingaarutilimmik inissisimasarnerat pissutigalugu, suliffeqarfiilluunniit aqqi CVR-ilu peeraluaraanni ilisarnarunnaarsinnissat amerlasuutigut ajornarsinnaasarpoq.

Ulluinnarni ingerlatsinermi oqartussaasutut ingerlatsiviup tunngavissaqarluartumik paasissutissanik sukumiisunik naatsorsueqqissaarnermik misissueqqissaarnermillu suliassanik ingerlatsisinnaajumalluni pissarserusunnera, Kalaallit Nunaanni Naatsorsueqqissaartarfimmit

itigartinneqartariaqarsinnaavoq. Taamattaaq pisut ilaanni niuerneramik ingerlatsinermut tunngasut pissutigalugit paasissutissanik nutaanerpaanik pissarissinnaanerup itigartitsissutigineqarsinnaanera unammillernarsinnaasarpoq. Tamanna siunnersuutikkut ilanngullugu aaqiiviginiarneqarpoq.

Ingerlatsinermi oqartussaasumut allamut paasissutissanik ingerlatitseqqinneq pillugu inatsisissatut siunnersuummut atatillugu, maanna inatsimmi aalajangersakkatut siunnersuutigineqartumut taarsiullugu, Kalaallit Nunaanni Naatsorsueqqissaartarfik pillugu Inatsisartut inatsisaanni aalajangersaagaareersup allangortittariaqarsinnaanera saqqummiussisoqarpoq, assersuutigalugu Naalackersuisunut ilaatitsinnginnernik aalajangersaasinnaanermik atulersitsinikkut.

Naalackersuisulli Kalaallit Nunaanni Naatsorsueqqissaartarfik pillugu Inatsisartut inatsisaanni ataatsimut piginnaatitsissutip Kalaallit Nunaanni Naatsorsueqqissaartarfiup ingerlataanut tamanut atorneqarsinnaanera, taamaalillunilu siunnersuummi uani immikkoortut aalajangersimasunut ilaatinneqartussatut kissaatigineqartuni taamaallaat atuutissannginnera nalilerpaat. Taamaammat aaqiissutissatut siunnersuutigineqartoq naapertuunnerpaatut isigineqarpoq.

3. Pisortanut aningaasaqarnikkut allaffissorinnikkullu kingunerisassat

Ilimagineqarpoq atortut ingerlatseqatigiiffiit Akileraartarnermut Aqutsisoqarfimmut nalunaarutigisassaat amerlissasut. Ilimagineqanngilarli uppersaatit nalunaarutigineqartut amerlinerisa pisortat allaffissorneranni isumaluutinik atuineq annertusisissagaat. Tamanna Akileraartarnermut Aqutsisoqarfik nalunaarsuiffimmini akiligassiissutinik uppersaatissanik pisariaqartitsiguni ingerlatseqatigiiffinnut aalajangersimasunut saaffiginninnani akitsuutini tunngavinnik misissuinerimi piffissamik sipaarnissamut tapersissaaq pitsaassuserlu qaffatsillugu.

4. Inuussutissarsiortunut aningaasaqarnermi allaffissornermilu kingunerisassat

Ilimagineqartariaqarpoq ingerlatseqatigiiffiit tunisinermi akiligassiissutinik suliaqartareersut akitsuutillu tunngaviinik nalunaaruteqarnermut atatillugu atussagaat. Taamaattorli ingerlatseqatigiiffiit akiligassiissutinik katersuinerimi inatsisitigullu pisussaaffiusunik akitsuutinut tunngavinnik nalunaaruteqarnermi akitsuutinillu akiliinerimi sulinerimi qaangiuttooruteqalaartassapput. Taamaammat siunnersuut aningaasatigut allaffissorinnikkullu inuussutissarsiortunut annikinnerusumik kinguneqassasoq naatsorsuutigineqarpoq.

Uppersaatissatut piumasaqaatinut tunngasunik unioqquutitsineq inatsimmi § 17, imm. 1 naapertorlugu pineqaatissiineramik kinguneqarsinnaavoq.

5. Pinngortitamut, avatangiisinut innuttaasullu peqqissusiannut kingunerisassat

Siunnersuut pinngortitamut, avatangiisinut innuttaasullu peqqissusiannut kinguneqanngilaq.

6. Innuttaasunut kingunerisassat

Siunnersuut innuttaasunut kinguneqanngilaq.

7. Kingunerisassat pingaaruteqartut allat

Inatsisissatut siunnersuut naalagaaffigeqatigiinnermut tunngassuteqanngilaq.

8. Oqartussanik kattuffinnillu il.il. tusarniaaneq.

Tusarniaanermi akissutit tiguneqartut ilanngussaq 1-imi misissorneqarput.

Inatsisissatut siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Oqaaseq ”Kalaallit Nunaanni” inatsisip taaguutaanit peerneqassasoq siunnersuutigineqarpoq.

Inatsisip taamaallaat Kalaallit Nunaanni atuutsinneqannginnera, aammali Kalaallit Nunaata avataanni, assersuutigalugu Svalbardip eqqaani atortinneqarnera, allannguutip tunuliaqutaraa.

Taaguummik allannguineruttaaq kalaallisoortaata oqaasiliornera eqqortunngortissavaa.

Nr. 2-mut

Suliffeqarfiit inuillu akitsuutinik akiliisussaatitaasut § 1, imm. 1-imi taaneqartut akitsuutinut tunngavimmik nalunaaruteqarnermut atatillugu akileraaruseriffiup akitsuutinik naatsorsorneqartunik misissuinissaa siunertaralugu akiligassiissutit il.il. nalunaaruteqarnermi tunngaviusut assilinerat ilanngutissagaat siunnersuutigineqarpoq.

Nr. 3-mut

Aalajangersagaq inatsisip paasissutissanik ingerlatitseqqittarneq pillugu immikkoortumik nutaamik ilaneqarnerata kinguneranik inatsimmik aqqissuinermi qulequttamik ilanngussinerup kinguneraa.

Akileraaruseriffiup paasissutissat inunnit suliffeqarfinnillu unitsitsisussaatitaasunit akitsuutinillu akiliisussaatitaasunit tigusai naatsorsueqqissaarnermi nalilersuinermilu siunertaqarneq siunertaralugu aqutsinermi oqartussanut allanut ingerlateqqissinnaagai suliarisinnaallugillu siunnersuutigineqarpoq.

Paasissutissanut ilaatigut tunisinermi akinik, oqartussaasut namminersortuni naleqarnerulernerup misissoqqissaarnissaanut atatillugu atugassaannik, suliarinninnerit annertussusaannik il.il. pissarsiniarnernik ilaqarsinnaapput.

Naalackersuisut aalajangersakkami aamma paasissutissat suut tunniunneqarnissaannik qinnuiginnissinnaaneq paasissutissallu akileraaruseriffimmut qanoq atugassanngortinneqarnissaat pillugit sukumiinerusunik malittarisassiornissamat piginnaatinneqarput.

Nr. 4-mut

Kalaallit Nunaanni pinerluttulerineq pillugu inatsimmi § 17, imm. 1-imi malittarisassat malillugit pineqaatissiisarneq pillugu malittarisassat nr. 2-mi malittarisassatut siunnersuutigineqartut unioqqutinneqarnerani atorneqarsinnaasunngorlugit annertusineqassasut siunnersuutigineqarpoq.

§ 2-mut

Inatsisartut inatsisaat ulloq 1. januar 2022 atuutilersinneqassasoq aamma aalisakkanut ulloq 1. januar 2022 kingusinnerusukkulluunniit pisinneqartunut tunniunneqartunulluunniit atuutissasoq siunnersuutigineqarpoq.

Kalaallit Nunaanni aalisarnermi pisarineqartut isumalluutinik atuinnermut akitsuutaat pillugit Inatsisartut inatsisaata allanngortinneqarneranik Inatsisartut inatsisaannut siunnersuutit missingiutip tusarniutigineqarnera pillugu allakkiaq (Inatsisip taagutaanik, akitsuutit tunngaviinik uppersaasiornermik aamma uppersaasatit naatsorsueqqissaarnermi misissueqqissaarnermilu siunertanut atorineqarnissaannut periarfissanik allanngineq)

Siunnersuut 30. november 2020-mit 6. januar 2021-mut tusarniaaffigineqartunut ukununga tusarniutigineqarpoq: Sulisitsisut (GE), NUSUKA, Sulinermik Inuussutissarsiuqartut Kattuffiat (SIK), KNAPK, SQAPK, Avannaata Kommunia, Kommune Qeqertalik, Qeqqata Kommunia, Kommuneqarfik Sermersooq, Kommune Kujalleq, Siulittaasup Naalackersuisoqarfia, Isumaginninnermut, Ilaqutariinnut Inatsisillu atuutinneqarnerannut Naalackersuisoqarfik, Inuussutissarsiornermut Naalackersuisoqarfik, Ineqarnermut Attaveqatigiinnermullu Naalackersuisoqarfik, Aalisarnermut, Piniarnermut Nunalerinermullu Naalackersuisoqarfik, Ilinniartitaanermut, Kultureqarnermut Ilageeqarnermullu Naalackersuisoqarfik, Deloitte, Grønlands Revisionskontor, BK Revision, EY Grønland, GrønlandsBANKEN, BankNordik aamma BDO.

Royal Greenland A/S imit (RG), Sulisitsisunit (GE), Naalackersuisut Siulittaasuata Naalackersuisoqarfianit, Aalisarnermut, Piniarnermut Nunalerinermullu Naalackersuisoqarfimmit, Ilinniartitaanermut, Kultureqarnermut Ilageeqarnermullu Naalackersuisoqarfimmit, Nunanut allanut tunngasunut Naalackersuisoqarfimmit BankNordikimillu tusarniaanermut akissutininik tigusaqartoqarpoq.

Tulliuttuni tusarniaanermut akissutit sammineqarput. Naalackersuisut oqaatigisaat *uingasunngorlugit* allanneqarput.

Aalisarnermut, Piniarnermut Nunalerinermullu Naalackersuisoqarfik Aalisarnermut, Piniarnermut Nunalerinermullu Naalackersuisoqarfik Kalaallit Nunaanni aalisarnermi pisarineqartut isumalluutinik atuinnermut akitsuutit pillugit Inatsisartut inatsisaata allanngortinneqarnera pillugu Inatsisartut inatsisissaatut siunnersuut tamakkiisumik Naalackersuisoqarfiup tapersorsorjaa.

Sulisitsisut (GE)

Tusarniaassutigineqartup imarisaa annertuunik pisariusunillu inuussutissarsiortunut kinguneqarnerat, siunnersuummilu kingunerisassaqaqqinnissamik oqaatigisaqartoqaqqinnera pissutigalugu, tusarniaanerp ulloq 1. Februar 2021-p tungaanut kinguartinneqarnissaa, Sulisitsisut tusarniaanermut akissumminni oqaatigaat.

Kalaallit Nunaanni aalisarnermi pisarineqartut isumalluutini atuinermut akitsuutit pillugit Inatsisartut inatsisaata allanngortinneqarnera pillugu Inatsisartut inatsisissaatut siunnersuut pillugu Gorrissen Federspielip ulloq 27. januar 2021 allakkiaa Sulisitsisut ilanngullugu nassiuppaat.

Allakkiami siunnersuutip Kalaallit Nunaanni marloriaammik akileraannginnissaq pillugu isumaqatigiissutaanut kiisalu inatsisissatut siunnersuutip uppersaatinik nassitsinissamut piunarsaatai sammeneqarput.

Allakkiami isorineqartut taaneqartut, siunnersuutip allannguutaani akitsuutip akileneqarnissaanut piffissaliussanut tunngasortaasa peerneqarnerisigut naaperiaaffiginiarneqarput.

Inatsisissatut siunnersuutip uppersaatinik nassitsinissamut piunarsaataanut tunngatillugu, Akileraartarnermut Aqutsisoqarfiup akitsuummik ingerlaavartumik nakkutilliinermik suliaqarnera eqqarsaatigalugu, akitsuutinut tunngavigineqartut nalunaarutigineqarneranut atatillugu ingerlaavartumik uppersaatinik nassitsinissamut piunarsaatait eqquteqqinneqarnissaat pisariaqartutut nalileneqarpoq. Piunarsaatait ingerlatsinermi paasissutissanillu inatsisitigut illersuinermi periutsinut akerliussutut nalileneqanngilaq.

Siunnersuut avammut niuertunut Nunattalu Karsianut aningaasartuutaassannginneranik oqaatigineqartoq kukkusuusoq Sulisitsisut oqaatigaat. Allanut tuniseqqinnermik aki tunisassiap Kalaallit Nunaannit avammut tunineqarnerani akileneqartutut innissaanik isummerneq siunnersuutip suliarillugaannginneranut, taamatullu aamma siunnersuutip suliarineqarneranut atugassatut paasissutissanik attuumassuteqartunik inuussutissarsiortunit pissarsisoqarsimannginneranik ersarissutimik takutitsisoq, Sulisitsisut oqaatigaat.

Allaffeqarfiup annikinnerusumik annertunerusumilluunniit sattaaserluni sulineranik, taamatullu inuussutissarsiortut pissutsinik piviusunik ilisimasaqartut siunnersuummik naammassillugu suliarineqartumut isummertussaanerannik nassataqartumik suleriaatsimik atuisoqarnera Sulisitsisut naapertuuttuutinnngilaat.

Siunnersuutip toqqammavigisaanik kingunerisassanullu oqaatigineqartut akitsuutip akileneqarnissaanut piffissaliussap allanngortinneqannginneratigut naaperiaaassutiginiarneqarput. Taamaalilluni akitsuusersueriaaseq maanna atorineqartoq allanngortinneqanngilaq.

Pisuni tamangajanni allamut tunisanut akiligassanngortinneqartut, Kalaallit Nunaannit avammut niuernermi akiligassiissutigineqartut atorneqartunit qaffasinnerusarnera Sulisitsisut oqaatigaat. Allamut tunisinermi nioqqutissamit Danmarkimi qerititsivimmit nassitseqqinnermi aningaasartuutit assigiinngitsut ilanngunneqartarnerat Sulisitsisut tassunga tunuliaqutaasutut oqaatigaat, tassani tunisinermi allaffissornermilu, akitsuutitut assigiinngitsunut, assartuinnermut, passussinnermut, uninngatitsinnermut il.il. aningaasartuutit tuniseqqinnermi matussuserneqartussat ilanngullugit.

Nioqqutissamik Kalaallit Nunaannit avammut nioqqutigineqartumik tuniseqqinnerup tamatigit attuumassuteqanngitsumut allamut pisarnera inatsisissatut siunnersuummi toqqammaviorpasittoq Sulisitsisut allapput, taamaattoqanngilarli. Assersuutigalugu nioqqutissat poortoqqinneqarsinnaapput, aammali suliareqqiisoqarsinnaavoq, taamaalillunilu nioqqutissaq avammut tunineqartumit allaanerusoq akisunerusorlu pineqalerluni.

Siunnersuutip toqqammavigisaanik kingunerisassallu oqaatigineqartut akitsuutip akilerneqarnissaanut piffissaliussap allanngortinneqannginneratigit naaperiaassutiginiarneqarput. Taamaalilluni akitsuusersueriaaseq maanna atorneqartoq allanngortinneqanngilaq.

Akileeqqussutit amerlasoorpassuarnik nassitsisoqartalernissaanik siunnersuut allaffissornikkut kinguneqassasoq Sulisitsisut oqaatigaat. Akileeqqussutit pineqartut amerlassusaat tunngavigalugu tamatuma teknikikkut naammassineqarsinnaanerat Sulisitsisut qularaat. Tassanilu ilaatigit akileeqqussutit russisut japanimusulluunniit oqaasertallit pineqarput.

Siunnersuutip toqqammavigisaanik kingunerisassallu oqaatigineqartut akitsuutip akilerneqarnissaanut piffissaliussap allanngortinneqannginneratigit atortussiat nassiunneqartussat annertussusaat pillugit akerliliissutit naaperiaassutigineqarput. Tassani atortussiat oqaatsit allat aningaasallu allat atorlugit suliarineqartut. Taamaattoq akitsuusiussamut tunngavigisamik naatsorsuinnermut atatillugu ingerlaavartumik uppernarsaatit nassitsisarnissamik piumasaqaat allanngortinneqanngilaq.

Paasissutissat isumannaatsuunissaat, oqartussaasut paasissutissanik pissarsiaminnik passussineranni atortinneqartariaqartoq Sulisitsisut erseqqissaatigaat, tassani suiassamut naammattunit annertunerusunik paasissutissanik pissarsisoqartannginnissaa ilanngullugu.

Akileeqqussutit tuusintilikkaat taamaallaat nalaatsornikkut tigusanik nakkutilliinissamik siunertaqartumik nassiussorneqartarnissaanik siunnersuutip siunnerfeqarnera Sulisitsisut

akuersaarnartuutinnngilaat. Atortussiat nakkutilliinermut atorneqartussat kisimik nassiunneqartariaqartut Sulisitsisut isumaqarput.

Paasissutissat oqartussanut allanut tunniuteqqinneqartarnerat taamaallaat suliffeqarfimmit nalunaarutiginnittumik akuersisitsinikkut pisarnissaa Sulisitsisut ilanngullugu oqaatigaat.

Siunnersuutip toqqammavigisaanik kingunerisassallu oqaatigineqartut akitsuutip akilerneqarnissaanut piffissaliussap allanngortinneqannginneratigut atortussiat nassiunneqartussat annertussusaat pillugit akerliliissutit naaperiaassutigineqarput. Taamaattoq akitsuusiussamut tunngavigisamik naatsorsuinermut atatillugu ingerlaavartumik uppersaatinik nassitsisarnissamik piumasaqaat allanngortinneqannngilaq.

Siunnersuutip eqqunngitsunik toqqammaveqarnera pissutigalugu, siunnersuut maannakkutut iluseqarluni piviusunngortinneqartariaqanngitsoq Sulisitsisut naggasiullugu oqaatigaat.

Royal Greenland A/S (RG)

RG-p tusarniaanermut akissutini Sulisitsisut aqqutigalugit nassiullugu RG-p tusarniaanermut akissummini oqaatigaa. Tusarniaanermut RG-p ilassutigisai, RG-p siunnersuummut ilassutitut oqaatigisaatut tusarniaanermut akissummut ilanngullugit nassiunneqarput. RG-p naliliinera naapertorlugu siunnersuut eqqunngitsunik toqqammaveqartoq tassani atuarneqarsinnaavoq. Tassani siunnersuutip aningaasatigut kingunerisa avammut tunisassiorunut Nunattalu Karsianut aningaasartuuteqarfiunnginnissaanik toqqammavik ilanngullugu. Taamaattoqassanngitsoq RG-p tikkuarpaa.

Paasissutissat naleqarnerulernermik misissuinermi 2019-ip ukiaanerani 2020-llu upernerani suliarineqartunut ilaasut atorneqarpata, naleqarnerulernerup qanoq pisariutiginera paasineqassasoq RG-p ilanngullugu oqaatigaa.

Inuussutissarsiorut suliap ingerlanerani siusinnerusukkut ilanngunneqarsimagaluarpata, inuussutissarsiorut paasissutissanik attuumassuteqartunik tapertaliisinnaagaluartut, tamannalu pissutsinut piviusunut naapertuunnersumik siunnersuusiornermut periarfissiisimassagaluartoq, RG- p oqaatigaa.

Siunnersuutip toqqammavigisaanik kingunerisassallu oqaatigineqartut akitsuutip akilerneqarnissaanut piffissaliussap allanngortinneqannginneratigut naaperiaassutiginarneqarput. Taamaalilluni akitsuusersueriaaseq maanna atorneqartoq allanngortinneqannngilaq.

Naleqarnerulernerup pisariuneranut tunngatillugu, pisuni tamarluinnangajanni allamut tunisinermi akileeqqussummi aki, Kalaallit Nunaannit avammut tunisinermi akileeqqussummi akitut atorpeqartumit qaffasinnerusartooq RG-p oqaatigaa.

Akitsuutip akilerneqarnissaanut piffissaliussap allanngortinneqannginneratigut, akitsuusersueriaatsip allanngortinnerani toqqammavigineqartunut akerliliissutit naaperiaassutigineqarput.

Suliffeqarfimmut RG-tulli angitigisumut akileeqqussuterpassuit nassiunneqartarnissaat siunnersuutip allaffissornikkut nassatarissavaa. RG-p piumasagaat teknikikkut naammassisinnaanerlugu qularaa.

Nakkutilliinissamut siunertaqartumik atortussianik suliffeqarfinit pissarsiniarneq ajornakusoortartooq paasinarsivoq. Taamaammat atortussiat nassiunneqarlutillu ingerlaavartumik nakkutigineqarnissaat, pisariitsumik nakkutilliineq isumannaarniarlugu pisariaqartutut nalilerneqarpoq.

Siunnersuut aningaasaqarnikkut eqqunngitsunik toqqammaveqartoq manna ilusimisut iluseqartillugu piviusunngortinneqassanngitsoq RG-p inerniliutigaa.

Maanna aaqjissuussineq ilanngunneqareersoq ilisimaneqareersorlu, RG-p naliliinera naapertorlugu ingerlalluortoq RG-p oqaatigaa.

Allannguutissatut siunnersuutigineqartoq pisariaqanngitsoq, inuussutissarsiortullu ilaasa malittarisassat maanna atuuttut tamakkiisumik malinngikkaat isumaqartoqarpat, oqartussaasut tamanik eqquisumik allannguinatik, aalisartitseqatigiiffinnut pineqartunut iliuuserisinnaasatut periarfissat pioreersut atorlugit iliuuseqartariaqartut RG-p oqaatigaa.

Siunnersuutip toqqammavigisaanik kingunerisassallu oqaatigineqartut akitsuutip akilerneqarnissaanut piffissaliussap allanngortinneqannginneratigut naaperiaassutiginiarneqarput.

BankNordik, Nunanut allanut tunngasunut Nukissiuuteqarnermullu Naalackersuisoqarfik kiisalu Ilinniartitaanermut, Kulturimut Ilageeqarnermullu Naalackersuisoqarfik siunnersuummut oqaatigisassaqaanngillat.

Siullermeertumik tusarniaanermut atatillugu allannguereernermi siunnersuut piffissami 3. juni 2021 – 2. juli 2021 tusarniaassutigeqqinneqarpoq.

Kalaalit Nunaanni Sulisitsisunit (GE) Kalaallillu Nunaanni Aalisartut Piniartullu Kattuffiannit (KNAPK) tusarniaanermut akissutisisoqarpoq.

Siunnersuut taamaallaat tunisassanik, Kalaallit Nunaanni tunineqaqqaarnatik avammut tunineqartunut akitsuutitut akiliinermi naatsorsuinermi tunngavissat allanngortinneqarnerinnaat pineqartoq, GE-p tusarniaanermut akissummini tunngavissaatippaa. Tunisassianut tulaanneqartut maannakkut akitsuummik naatsorsuinertulli pisarnissaat tunngavissaatinneqarpoq.

Siunnersuut akitsuummut akiliinermut naatsorsuinermik toqqammaviup allanngortinneqarneranik nassataqanngimmat oqaatigineqassaaq. Akitsuut maannamut periusaasartut naapertorlugit naatsorsorneqassaaq. Siunnersuut akitsuummik nalunaaruteqarnermut atatillugu uppersaatissanut piimasaqaatit allanngortinneqarnerannut kiisalu uppersaatit katersorneqartut ingerlatsinermi oqartussamut allamut tunniunneqarsinnaanerannik allannguinermit attuumavoq.

Pisat attuumassuteqanngitsumut allamut tunniunneqarneranni fakturamik nassitsisarnissamik piimasaqaammik siunnersuutip imaqarunnaarnera GE-p iluarisimaarpaa. GE-lli aqqissuussinerup pilersinniarneqartup suli namminersorlutik inuussutissarsiortunut oqimaatsorujussuujunnaarnissaanik kinguneqannginnera erseqqissaatigaa, sulimi fakturat amerlasoorujussuit nassiunneqartartussaammata.

Oqartussat paasissutissanik aqqissuussamik katersorneqartunik isumannaallisaaneq atuuttoq GE-p erseqqissaatigaa, tassani paasissutissat pisariaqartumit annertunerusut katersorneqartannginnissaat ilanngullugu. Paasissutissat katersorneqartut nalaatsortumik tigusilluni misissuinerit atorneqartussaanerit GE-p erseqqissaatigaa, taamaamallu nalaatsortumik tigusilluni misissuinermit aamma atorneqartussaangitsut aamma katersorneqartunut ilaallutik, GE-llu isumaa naapertorlugu taakku paasissutissanik katersineq pillugu malittarisassanut ilaangillat.

Suliffeqarfii inuillu akitsuummut akiliisussaatitaasut nalunaarutiginninnerminnut atatillugu akitsuutip naatsorsorneqarneranut fakturanik assigisaannillu uppersaatinik ilanngussisussaatitaanerannik siunnersuut allanngortinneqarpoq, taamaalilluni uppersaasiinissamut piimasaqaat taamaallaat pisanut Kalaallit Nunaannit anninneqartunut taamaallaat tunngalerluni. Uppersaatit Akileraartarnermut

Aqutsisoqarfiup ingerlaavartumik akitsuutinik nalunaarutigineqartunik, akit ineriartornerannut, niueriaatsinut il.il. nakkutilliineranut ilaassapput.

GE-p paasissutissanik katersinermi paasissutissat siunertamut atorineqartussaanerannik tunngaviusumik malittarisassaq erseqqissaatigaa, taamaaliornikkut paasissutissanik atornerluisinnaaneq ingalassimatinneqarsinnaaqullugu. Oqartussanut aalajangersimasunut paasissutissanik tunniussanik allamut ingerlatitseqqinneq taamaallaat paasissutissanik tunniussisup akuersineratigut pisinnaasariaqarpoq.

Ataatsimut isigalugu Kalaallit Nunaanni inuit pillugit paasissutissat pillugit inatsisip atuuttup paasissutissanik pissarsinermut atatillugu malinneqarnissaa GE-p tunngavissaatippaa.

Ilaatigut pisortat ingerlatsineranni sulianik isumaginnittarneq pillugu Inatsisartut inatsissaanni § 32, imm. 1 aamma inuit pillugit paasissutissanik suliarinnittarnermut inatsisip Kalaallit Nunaannut atortuulersinneqarnera pillugu Kunngip peqqussutaani § 6, imm. 1-imi, oqartussaasup paasissutissanik tunniusseqqinnissamut pisussaaffeqarnerani, oqartussaasup allap paasissutissat allamut ingerlateqqinnissaanik piumasaqarnerani, paasissutissat oqartussaasup allap aalajangigassaanut oqartussaasup ingerlatsineranut aalajangiinissaanulluunniit pingaaruteqarpata, oqartussaasoq paasissutissanik ingerlatsisussaataavoq. Innuttaasut suliffeqarfiillu paasissutissanik assigiinnik pisortat ingerlatsiviinut assigiinngitsunut tunniussisarnerisa annikinnerulersinneqarnissaat malittarisassat ilaatigut siunertaraat. Pissutsittaaq taamaattut siunnersuummi malittarisassiuunneqartunut aamma atuupput.

Inatsimmi uani allanilu inuit pillugit paasissutissanut inatsisimmi malittarisassat malinneqarumaarnerat, Naalakkersuisut ilanngullugu naatsorsuutigaat.

KNAPK-p tusarniaanermut akissummini oqartussaasut assigiinngitsut akileraartarneq pillugu paasissutissanik katersinissamut periarfissaasa pitsanngorsarnissaanik inatsimmik allannguinnissamut tunngaviatigut akerlilissutissaqannginnertik erseqqissaatigaat.

KNAPK-p naggasiullugu maanna qinersinerup qaangiutereernerani partiit erseqqissumik aalisartut tunisaanni isumaluutinik atuinermi akitsuutit pillugit, ingammillu sinerissap qanittuani qaleralinniarnermut tunngatillugu, erseqqissumik nalunaaruteqarnissaat KNAKP-p oqaatigaa.

Ilanngussaq 2

Inatsisissatut siunnersuut inatsimmut atuuttumut sanilliullugu	
<i>Oqaasertaliussaq atuuttoq</i>	<i>Inatsisissatut siunnersuut</i>
	§ 1 Kalaallit Nunaanni aalisarnermi pisarineqartut isumalluutiniq atuinnermut akitsuutit pillugit Inatsisartut inatsisaat nr. 46, 23. november 2017-imeersoq, Inatsisartut inatsisaatigut nr. 13, 27. november 2018-imeersukkut allanngortinneqartoq imatut allanngortinneqarpoq:
Kalaallit Nunaanni aalisarnermi pisarineqartut isumalluutiniq atuinnermut akitsuutaat pillugit Inatsisartut inatsisaat	1. Inatsisip qulequtaa ima oqaasertalerneqassaaq: “Aalisarnermi pisarineqartut isumalluutiniq atuinnermut akitsuutaat pillugit Inatsisartut inatsisaat”
§ 13 Imm. 2. Suliffeqarfiit inuillu akitsuutiniq akiliisussaasut § 1, imm. 1-imi taaneqartut, piffissap akitsuusiiffiusup qaangiunnerani, kingusinnerpaamillu piffissap akitsuusiiffiusup qaangi-unnerata kingorna qaammammi ulluinnarmi kingullermi: 1) akitsuusigassat nalunaarutigissavaat, 2) taakku akitsuutitaat nalunaarutigissavaat, kiisalu 3) akitsuut akileraaruseriffimmut akilissallugu. Imm. 3. Nalunaarummut ilanngullugit nassiunneqassapput uppersaatit il.il. nalunaarummut tunngavigineqartut assilineri. Imm. 4. Nalunaarut imm. 1-imi pineqartoq piffissaagallartillugu nassiunneqanngippat	2. § 13-imi imm. 2-p kingorna imm. nutaatut ikkunneqassaaq ”Imm. 3. Akiligassiissutit il.il. nalunaarummut tunngaviusut assilineri, Kalaallillu Nunaanniit annissinnermut atatillugu suliarineqartut, nalunaarummut ilanngunneqassapput.” imm. 3-4 tamassuma kingorna imm. 4-5- inngussapput.

<p>akiliisitsissut piffissami akitsuutip akilerneqartussap 2 procentianik angissusilik, taamaattorli minnerpaamik 500 kr.-iusoq akilerneqassaaq.</p>	
	<p>3. § 15-ip kingorna ikkunneqassaaq: <i>”Paasissutissanik ingerlatitseqqinneq”</i></p> <p>§ 15 a. Paasissutissat suliffeqarfiit akitsuutininik akiliisussaataitaasut tunniussaata aqutsinermiit oqartussanut allanut naatsorsueqqissaarnermi nalilersuinermilu siunertanut atugassatut tunniunneqarsinnaapput.</p> <p><i>Imm. 2.</i> Naalakkersuisut akileraarutininik aqutsisoqarfiup paasissutissanik tigusaminik suliarinnittarneranut, tassunga ilanngullugit paasissutissat suut, siunertanut sunut qanorlu iliorluni tunniunneqarsinnaasut pillugit malittarisassiorsinnaapput.”</p>
<p>§ 17</p> <p><i>Imm. 1.</i> Piaaraluneerluni mianersuaalliorujussuarluniluunniit § 1, imm. 1-imik, § 11, imm. 2-mik, § 12, imm. 1, § 13, imm. 1 imaluunniit imm. 2, imaluunniit § 14 naapertorlugu sivikinnerusumik akiliinissamat piffissaliinermik imaluunniit qularnaveeqqusiinissamik peqquneqarneq unioqquutikkaanni, taamaaliorneq Kalaallit Nunaanni Pinerluttulerinermik inatsimmi maleruagassat naapertorlugit pineqaatissiissutigineqarsinnaavoq.”</p>	<p>4. § 17., 1 imatut oqaasertalerneqassaaq: ” § 1, imm. 1, § 11, imm. 2, § 12, imm. 1, § 13, imm. 1-3-mik imaluunniit § 14 naapertorlugu akiliinissamat piffissarititap sivikinnerusup atorneqarnissaanik imaluunniit qularnaveeqqusiinissamik peqqussuteqarnermik piaaraluni mianersuaalliorujussuarluniluunniit unioqquutitsineq Kalaallit Nunaannut pinerluttulerineq pillugu inatsit malillugu pineqaatissiinermik kinguneqarsinnaapput.”</p>
	<p style="text-align: center;">§ 2</p> <p>Inatsisartut inatsisaat ulloq 1. januar 2022</p>

	atuuilersinneqarpoq aamma aalisakkat pisarineqartunut imaluunniit ulloq 1. januar 2022 kingusinnerusukkulluunniit tunniunneqartunut atuulluni.
--	---